

طوبیہ کی گلی  
دوستی  
سو

غلام فرید شوکت

درحلقہ قلم



ادارہ پنجابی زبان کے ثقافت پنجی۔ لاہور وولوں 2001  
Award of Distinction  
نوں نامنا پتر  
نال نواز ناگسا

Award

## ”ڈونگھے سوتے“

غلام فرید شوکت نال میرا چروکا سانگا اے۔ ادہندی  
کوئی غزل یاں نظم خبرے اجیہی ہووے جیہڑی ادہندی کھی بھے  
تے مینوں او سے دینہ یاں دوئے دینہ ستانی نال ہووے۔  
اک واری میں اپنے پنڈوں شہر آکے ایہنوں ملیا تاں خبرے  
پڑانی جان پکھان تے ملنگے دے بھر داسے مینوں آکھیا پئی مری  
کتاب چھپی پئی اے اہندے بارے اپنی رائے دے  
چار اکھر بکھ دیو۔

”ڈونگھے سوتے“ شوکت دی شاعری دی پہلی کتاب  
اے جیہنوں پڑھ کے قاری نوں ایہ سمجھن وچ دیر نہیں لگدی  
پئی شوکت اک پریم بھاری تے بلجیال بندے داناں اے۔  
اہندے شعر ساڈے وسیب دی جیندی جاگدی جیاتی دیاں  
جیندیاں جاگدیاں نورتاں نیں جیہناں وچ آل دوآلے دے کئی  
سارے روگاں، سوگاں تے دکھاں دا بیان وی اے تے  
پیار، پریت، مہر محبت دارمان وی۔ اہندے کلام وچ  
پنجاب دی ثقافت تے بریتاں رساں لشکارے مار دیاں دس دیاں  
نیں ”ڈونگھے سوتے“ شوکت دے بوسنی دیاں تجربیاں دا  
نال اے۔ مینوں انج لگدا اے جے ایہ ہر تجربے پہلے نالوں  
آزاد تے کھلی فضا وچ کرن واسطے اپنے ہر توں سرکاری نوکری  
ری بھاری پنڈ لاہ کے دیلے توں پہلے پنشن یافتہ ہو گیا اے۔  
پنجابی دے ایس سچے عاشق بارے مری دے مالے  
اہندے باطن دے ادبی بوئے نوں ہر دھیرے پھیل پھیل  
لگن۔ آمین

طالب جتوئی

چک نمبر ۹/۱۰۔ ایل منٹا پیراں


بِسْمِ اللّٰهِ الرَّحْمٰنِ الرَّحِیْمِ

## انتساب

ہزاراں دُعاواں دے نال  
پیاری دھی فریدہ ستول

دے نال

شوکتِ دل دیاں ٹیساں رُل کے لہو دے نال  
اکھیاں راہیں ہنجاواں بوج بدیع گئیاں



جملہ حقوق بحق مؤلف محفوظ ہیں

نام کتاب \_\_\_\_\_ ڈونگھے سوتے

مؤلف \_\_\_\_\_ غلام فرید شوکت

سائز \_\_\_\_\_ ۲۳ x ۱۸

ضخامت \_\_\_\_\_ ۲۰۰ صفحات

تعداد \_\_\_\_\_ ۵۰۰

تاریخ اشاعت \_\_\_\_\_ نومبر ۱۹۹۶ء

کتابت \_\_\_\_\_ عبدالحجیب طارق ساہیوال

قیمت \_\_\_\_\_ ۲۰۰ روپے

مطبوعہ: راہیوال پرنٹنگ پریس  
پاسکاسٹریٹ ساہیوال

## کون آں تے کیہ آں

میں ایک زراعت پیشہ کھوکھر خاندان دے نال تعلق رکھتے ہاں تے بنیادی طور تے چک نمبر ۳۴۵/۱ ای. بی. داسما عیل پور کھوکھراں والا تحصیل عارف والا دارہن والا ہاں، میرے والد ملک دلاور خاں مرحوم مذہبی ذہن رکھدے سن۔ پڑانے زمانے دیاں تین چار جماعتاں پڑھے ہوئے سن۔ اوہناں برادری تے دوجے لوکاں توں قرآن پاک پڑھایا۔ کتاب ہیر وارث شاہ تے مولوی غلام رسول ہوراں دی کتاب قصص المحسنین بہوں شوق نال پڑھدے سن۔ میرا پنجابی زبان دا شاعر تے نثر نگار ہون دی اصل وجہ اپنے والد صاحب دے ذوق دایرے دے منتقل ہونا اے تے ایس توں علاوہ میں ہیر وارث شاہ، یوسف زلیخا، سیف الملوک، سستی پنوں، سوہنی مہینوال تے ہور دوجیاں کتاباں دا مطالعہ وی کیتا اے۔

میں سال ۱۹۵۶ء ایچ میٹرک پاس کیتا۔ چھ سست ورہے اپنے پنڈ ایچ واہی بجی کردار ہیا۔ ۱۹۶۳ء ایچ مینوں سرکاری ملازمت لہ گئی۔ نوکری دے دوران ایف اے تے پنجاب یونیورسٹی توں بی اے تے ایل ایل بی دیاں ڈگریاں لئیاں۔ کوئی اگتی (۳۱) ورہیاں دی نوکری ایچ افسراں تے ہم پیشہ دوستاں نے ہمیشہ پیارے عزت

دتی اے۔ آخر دسمبر ۱۹۹۵ء توں ریٹائرمنٹ لے کے ہن دکالت دا پیشہ اختیار کیتا اے۔ ملازمت دے دوران اپنی ذات دی نفسی کرن دی کے نوں اجازت نہیں دتی۔ دوجیاں نوں پیار، خلوص تے خودداری دادرس دتا اے۔ گنجی بار تے نیلی بار دی دھرتی میری روح ایچ کجھ ایس طرح ریح گئی اے کہ ایہندی خوشبو نال اپنی روح نوں معطر کردارہنا ہاں۔

میرے والد صاحب نوں ایہہ سک ہیسی جوں میں قرآن مجید دا حافظ بن سکاں۔ بد قسمتی نال اوہناں دی ایہہ مراد پوری نہ کر سکیا پر میرے اک پتر نذر فرید احمد تے قرآن مجید حفظ کر کے اوہ تمنا پوری کر دتی۔ اوہ اچ کل پاکستان دے اک اعلیٰ دینی ادارے "منہاج القرآن" لاہور ایچ سال دوم دا طالب علم اے۔ میری دعا اے رب سونہا حافظ نذر فرید احمد توں اعلیٰ تعلیم حاصل کرن دی توفیق عطا کرے تاں جے اوہ ایس پاک وطن دی دینی تے دنیاوی خدمت کر سکے۔

میرے نیگے جیسے سینے ایچ اپنے آئے دوالے دے عزیزاں تے دوستاں دے دکھاں دیاں پیڑاں نے پہلاں ای ڈیرہ جمایا ہو یا سی اتوں ایہہ کملا دل وی ان ڈٹے جیسے درواں ایچ ونھیا گیا۔ دسمبر ۱۹۹۲ء ایچ میرا بائی پاس آپریشن ہو یا۔ سرجری کرن توں پہلاں ڈاکٹراں تے سرجنوں میتھوں پچھیا جوں "کیہہ وجہ آئے تیتوں دل دی سرجری پاروں کوئی گھبراہٹ نہیں اے" میں آکھیا!



”میرا پیرتہ رب دے فضل نال حافظِ قرآن اے۔ جے میں مرگیتے  
بقول حدیث نبویؐ بخشیا جاواں گاتے جیکر جینڈا رہیا تے پھیردی  
قرآن پاک دا اعجاز تے خدای خاص عطا ہو دے گی۔ ایسے پاروں  
میںوں کوئی دھڑکاتے خوف نہیں“

۴-۴ کے بزرگ دا اکھن اے بے اپنے بھیت دل ایج ای رکھے  
جان تال بندہ اپنی مراد پالیندا اے۔ میں شاید اپنے بھیت اپنے دل  
وہج تال نال رکھ سکیا پر اپنے دکھال نوں دل وہج ساتھ کنج رکھیا۔  
پھیرا ہنناں دکھال دے بھیتی بھکے اوہناں نوں کورے کاغذال دے  
سینے تے اتاریا۔ ایہہ رازدان میرے اوہ اکھرسن جیہڑے شعر بن کے  
اپنیاں شکلاں دکھاؤں لگ پئے۔ جس ویلے ہنناں لفظاں ایج اک  
اُچھیا (ردم) نکھریا تال، ہنناں میر (بھرم) رکھ لیتے، انعام دی شکل ایج  
اک سادہ جیہا شاعر ہوں دا احساس دتا۔ پر منزل تے اے دور  
ہوں دور کھلوتی اے۔

محترم بزرگوار جناب حاجی بشیر احمد صاحب دی خاص شفقت  
نے شاعری دی اوکھی منزل و تے ودھن لئی حوصلہ ودھایا تے سرپرستی  
دی کیتی۔ اوہ لوک ہوں بھاگ والے نہیں جیہناں نوں پتے رہی رہی  
جانڈے نیں۔ میںوں حاجی صاحب دی رہنمائی تے فخر اے۔ میں محترم  
اقبال صلاح الدین صاحب دا وی ڈاڈھا شکر گزار ہاں جیہناں ایس  
کتاب دی املا تے نوک پلک ستوارن ایج میری رہنمائی کیتی اے۔

دوستاں دے کمن دے باوجود اردو ایج کجھ نعتاں تے پنجاہ  
سٹھ غزلاں نظماں دے ہوا ہور کلام نہیں لکھ سکیا۔ میرا خمیر پنجاہی اے  
پنجاہی شاعری دے نال نال کجھ افسانے وی لکھے نیں۔ میرے اکھر  
میرے خیالاں دا عکس نیں۔ میں روایتاں توں آزاد رہن دا حامی ہوں دے  
باوجود پنجاہ دی دھرتی دیاں کجھ روایتاں تے ریتیاں دا پابند وی ہاں۔  
پنجاہی شعراں ایج ایس دھرتی دی بولی دی شیرینی لیندا رہتا ہاں تے اینہدی  
چس دے نشے تے اجیہا اثر کیتا اے کہ ایہندے سرور دی بناتے  
ایہہ کتاب ”ڈونکھے سوتے“ پیش کرن دا آہر کیتا اے۔

اپنی شاعری ایج ہر اوہ گل جیہڑی میں شدت نال محسوس کیتی  
اے یاں جیہنوں میرے شعور نے قبول کیتا اے دسن دا چارہ کیتا اے  
میری ایہہ کوشش کس حد توڑی پوری ہونڈی اے ایہندا فیصلہ میں نہیں  
کر سکدا۔ معاشرے تے وسیب دیاں وگڑیاں قدران نوں دیکھ کے چنگے دنال  
دے خواب دیکھدا رہتا ہاں تے اوہناں سچھیاں نوں اپنے سچھے انداز ایج  
اکھن دا اُپا کیتا اے۔ خدا کرے ساڈی آون والی نسل گورتاں، نقرتاں، حد  
تے انتشار توں پاک ہو دے تے پیار بھرے وسیب نال اکیہویں صدی ایج  
داخل ہووے۔

ایس پیارے دیس پنجاہ تے وطن پاکستان دا دنیکی تے اک  
حساس شہری دے ناطے میں ہمیشہ استحصالی طاقتاں دے جبر نوں شدت  
نال محسوس کیتا اے تے اپنے اندر دے کرب نوں بے دھڑک ہو کے

## ملک غلام فرید شوکت - تخلیقی عمل

آج توں پنج چھ دَرھے پہلے دی گھل اے جدوں اَبے  
 ملک غلام فرید شوکت اے سی ساہیوال دا پئی۔ اے سی علی رضانے  
 ایہ گھل میرے کینیں پائی کہ غلام فرید شوکت وی شاعر اے پھر کجہ دِناں  
 پکھوں تعارف وی ہو گیا۔ کلام سُنیا تاں لگا جے ایہہ بندہ پوری ریاضت  
 کرے تے شوق نال مصرع کہہ کے نوں وکھا وی نوے تاں اچھے  
 شاعر دا اضافہ ہو جائے گا۔ ایہہ گھل میں تاں نہ آکھی پر شوکت نوں  
 شاعری دا اپنے آپ ای ایہو جہا شوق لگ گیا پئی ہن اُس نوں  
 اسیں چاہیے وی تاں نظر انداز نہیں کر سکدے۔ شاعری صرف پنجابی  
 زبان وچ تخلیق کر دا اے پر ہر صنف وچ ڈب کے بلکھا اے۔  
 حمد، نعت، نظم، غزل، قومی نظم تے ایہہ سارے موضوعات اوہدی تخلیقی  
 کوشش دی جوہ دا حصہ نیں۔ ہن توڑی بوہتا نہیں ڈھائی تن سو صفحے  
 تے پھیلایا ہو یا کلام لکھ چکیا اے۔ ایہہ دے وچوں کجھ چکواں چکواں کلام  
 جمع کر کے اوہنوں اس کتاب دی شکل وچ لیان دا آہر کیتا گیا اے۔  
 کتاب دا مسودہ میرے کول کجھ دن رہیا اے تے میں بڑے غور  
 تے عین نال ایہہ مطالعہ کیتا اے۔ اول توں لے کے آخر تک زبان  
 توں لے کے اسلوب تیکر ایہہ اک اپنا ای سواد تے ذائقہ اے۔

شعراں اچھ سماکے اپنا اک اچھا جی تے تمیری فرض وی پورا کیتا اے۔  
 کے شاعر دی زمین اچھ لکھنا نیں اپنی توہین نہیں سمجھا۔ کجھ  
 بزرگ شعراں دی زمین اچھ کجھ شعر لکھ کے فخر کیتا اے کہ اوہناں مینوں  
 اپنی تخلیق وچ رلایا اے۔ ساہیوال دے ادبی حلقیاں خاص کر مجید امجد  
 اکیڈمی دا ادب دی ترقی اچھ بہوں ہتھ اے۔ ایس دھرتی دے معروف  
 شعراں تے ترنگار دوستاں دا شکر گزار ہاں جیہناں ادبی محفلاں  
 اچھ میرے نال تعاون کیتا تے پنجابی زبان اچھ لکھن پاروں میری  
 حوصلہ افزائی کیتی۔

آخر اچھ میں رب سوہنے دا شکر گزار ہاں کہ اوس مینوں  
 نویں جیاتی دے کے والدہ، بھینتاں، بھراواں تے دوستاں عزیزاں  
 دی خدمت کرن لئی، پچھیاں بالال دی سرپرستی کرن لئی تے پنجابی نوں  
 اہتدا کجھ حق ادا کرن لئی چنیدا رکھیا اے۔

## غلام فرید شوکت

گلی نمبر ۵ کوٹ الہ دین نمبر ۱

ساہیوال

فون ۷۷۹۴۵



شہری پنجابی دا اس کتاب تے سایہ وی نہیں پیا۔ ایچ لگدا اے جو میں  
راوی دی گدھی تے کہے راٹھ دے ڈیرے تے بہہ کے تتیاں ٹھنڈیاں  
گلاں سن رہے آں۔

غلام فرید شوکت بنیادی طور تے دیندار، نیک تے پرہیزگار  
معاشرے دی تلاش دے اے۔ خیردیاں، مٹھیاں، کجھدیاں قدریں دا  
تھاں تھاں ذکر کردا اے تے حسرت نال ایہناں روشنیاں دے بھن  
تے روند کر لاتا اے۔ پیار تے پلے دا حوالہ جتھے اوندا اے پرنے استادی  
طور طریقے نال اوہ مضمون نظم کردا اے۔ اجازت دیلوتے اک غزل  
پیش کراں۔

پیار و ساون والا بدل رسیا رسیا جاندا اے  
دا ورولا جھکھڑ بن کے ایویں اڈدا جاندا اے

آپلو دھاپنی دا اے پرہ رشتے مٹی رُل گئے نیں  
بکھ نہ آدے ویلا کپڑے رنگ یدلدا جاندا اے

پیار لیاں سچیرا جیہڑا ہر پرہیا دا چائن سی  
گھپ، ہنیرے آنھیاں لوڑاں دے پوج دلدا جاندا اے

بھلے جاندے ساک اساتوں کجھ آسین دی بھلے آں  
ہو آساڈا وکھ کے ساتوں پاسا ڈندا جاندا اے

سائھی چاہت ساکاں والی اصلوں پھنسا ہو گئی اے  
پیار کدے جو پیاریاں داسی کا وڑ بندا جاندا اے

کوئی  
تے  
اک  
پڑانی  
کتا  
چار

اے  
پٹی  
ہند  
چیند  
سار  
پیار  
پنجاب  
نیں  
تال  
آزاد  
ی بھ  
ہند  
ن

محرم رازاں دے دل وکھو یا د پیاریاں اڈ گئی اے  
یاراں کولوں یاراں داہن چیتا بھلدا جاندا اے۔

چیتھاں سنگے جھگی دے وچ رہنا جنت لگدا سی  
سنگ اوہناں دے مجلس رہنا اوکھا ہوندا جاندا اے

بھننا میں راہ ون سوتے دھرتی دے جلاواں دے وچ  
شوکت اپنے گھر دا رستہ سمجھوں بھلدا جاندا اے



پاکستان بن دے پچھوں معاشرے دے جیہڑا اخلاقی قدریں  
نوں بے اولک زوال آیا اے تے آریا اے سمجھوتے ایہہ شعر  
اوہناں دا منظوم نوحہ نیں۔ قاری نوں ایہہ کتاب پڑھن توں پہلے ضرور  
اک نرم گوشہ تلاش کرنا چاہیدا اے تے اس کتاب نوں کتابی زبان دا  
کوئی وثیقہ نہیں سمجھنا چاہیدا۔ ایہہ فالص سونامی جیہڑے وچ اجے  
کھوٹ نہیں رلیا تے لہہنوں پتیل دا ٹانکا وی نہیں لگیا۔ حدتے نعمتاں  
دے شعر نمونے دے طور بکھیاں گل مٹی ہو جائے گی۔ ایہہ کجھ مزہ لین  
لی عزلاں وچوں پتج ست چگوں شعر لوو۔

بندہ بندیوں وچوں بھتا اوکھا اے بن لوکی چنار بھتن دی کر دے نیں  
شیشے دے تریڑ وکھا دے دوپہرے بن کوئی کوئی اکو چہرہ بولہ تے دوپہرے  
اپنا مل ہمیشہ آپے لاندے رہے بن ہن سمجھے آں ایویں عمر گواندے رہے  
کیڑی واج تے نس کے اوہ گھراواں بن ایتھے ویلے وکھو وکھ اذاناں دے

خیر چاہنا دیاں شردی مینوں لوڑ نہیں ۛ دکھاں بھرے نگر دی مینوں لوڑ نہیں

میرے نال جے ٹرنا چاہویں جگ کولوں ناڈر کے چل  
عشق دے تھل دین ٹرنا اوکھا جی کے چل یا مگر کے چل

دل نوں لیندیاں موہ بھاویں نہیں بولدیاں  
کند دلا کے سنگھیا کر تصویریاں توں

ایہہ شعر تاں عزلاں وچوں لئے گئے سن ۔ دل کر دا اے کجھ  
مصرعے نظماں وچوں وی قاریئن دی خدمت وینج پیش کراں ۔

شعر ایہہ نہیں ۛ

شوکت تیرا پند و تے ہر دم کجھی نیلی راوی جہلم سندھ چناں والا  
سارے تھیندے دی ڈھپ میرے گھر وڑانی ڈگ پایا جد رگھ گھینری چھاں والا  
اک ہور نظم " رکھوالا "

پاک وطن دی دھرتی پیاری ماں جیہی  
گودی چاہت والی ٹھنڈی چھاں جیہی

بھیناں دی ایہہ عصمت ماں سہاگاں دا

دیراں دی ایہہ غیرت چانن بھاگاں دا

فصلاں دی ہریالی جا پے منحل دی

جنت درگی رونق ساڈے جنگل دی

تارے بن کے چمکے خون شہیداں دے

ساڈوں اتج وی یاد نہیں ظلم یزیداں دے

سو ویکھ لوو نظماں زبان تے بیان دوآں طرح کراریاں تے  
پساریاں نیں۔ کوئی جھوٹھ کوئی فرض کہیتی ہوئی بے حقیقت سکل  
کے مصرعے وینج نہیں آئی۔ اس شاعری نوں اقدار دا نوحہ کہہ لوو  
یا زمانہ یخردے لیاں دی آرزو سمجھ لوو دوویں نکلاں ٹھیک نیں۔

میری دُعائے غلام فرید شوکت دے تخلیقی عمل دی اس  
ٹہنی نوں مولا سائیں مٹھا میوہ لاوے تے اون والے زمانیاں وینج  
شوکت ہوریں ساڈے تہاڈے لئی نویں توں نویں شاعری تخلیق  
کرن تے علمی سنگتاں دی ضیافت طبع دا سا مان چھاں تریکر  
کر دے رہن۔ آمین۔

بشیر احمد بشیر

۱۳ دسمبر ۱۹۹۵ء





## حمد

زمیاں تے اسماناں دی سچھی سنکار  
ظاہر باطن مخلوقات دی پالناہار

عرش تے فرش فضا والے و بیج اوہدی ذات  
سورج چن ستارے صحرائے کھسار

ہر تھاں ہر پیل ہر ڈالی ہر پتے و بیج  
پھل بوٹے تے فصلاں پھل او سے دی کار

فلک فرشتے چاکرین کے راضی نیں  
فضل او سے دامنگن نیک تے اوگتہار

منڈے چنگے ویلے اوہیو بانہہ پھڑدا  
گھمن گھیر چوں کڈھ کے بیڑالاوے پار

ایس جیاتی دے رنگ سارے او سے دے

سچا حاکم اوڑک اوہدے ہتھ مہار

لنڈے چڑھدے اوں جیہا نہ کوئی ہو رہو...

دکھن پربت ہر پاسے اوہدے شہکار

او سے دی دن رات عنایت منگدا واں

اُس دی ذات کریم، کرم نیں باجھ شمار

شکرت دے اوگتہار دے اتے وی

رحمت داپہنہ پاوے ہووے باغ بہار

سُنیا تیرا فیض اے دہجہ جہا ناں دے  
پیشک اسی برکت تیرے ناں دے ناں

تیرا دھیرج عرش دیاں دس نیکاں توں  
دھرتی اُتے رحمت تیرے ناں دے ناں

ہر شے تیرے صدقے رب خالقانی اے  
ہمدی دس دی خلقت تیرے ناں دے ناں

ڈر شوکت نوں کوئی ناں، اگ دے سیکے دا  
کھڑ جاوے گی تربت تیرے ناں دے ناں





## رکھوالا


پاک وطن دی دھرتی پیاری ماں جیہی  
 گودی چاہت والی ٹٹنڈی چھاں جیہی  
 بھیناں دی ایہہ عصمت مان سہاگاں دا  
 ویراں دی ایہہ غیرت چانن بھاگاں دا  
 فصلاں دی ہریالی جا پے مٹھل دی  
 جنت درگی رونق سا ڈے جنگل دی  
 روہی تھل پہاڑ سمندر صحرا وی  
 جنگل سبھ میدان خزانے دریا وی  
 تارے بن کے چمکے خون شہیداں دے  
 سانوں ارج دی یاد نیں تسلیم یزیداں دے  
 قائد داسی مقصد خواب اقبال دا ایہہ  
 اک انمول انعام سی ذوالجلال دا ایہہ

ساڈے سر تے سایہ کملی والے دا  
 کریئے پورا فرض اسیں رکھوالے دا



## سلام بحضور حضرت حسین علیہ السلام

نوری خاکی مجلس لائی نالے فاضاں عامان  
 ذکر رسول دے گھر داکر دے نال درود سلامان  
 رب دی کھل مخلوق نوں بلدی جتھے امن تے حرمت  
 او سے گھر نوں توبہ لائی سسنگھ ازلی شیطانان  
 پنجتن پاک توں ہر مومن نے صدقے ہوندیاں رہنا  
 خور فرشتے ناز کریندے بن کے وانگ غلامان  
 بھر نیز سے تے دریاں ڈنڈے پھٹ لائے دے ہسدے  
 قطرے لوتھیر ستاے ستھے ووج اسمانان  
 صبر رضا دے مالک دا نہیں کم سی لڑنا بھڑنا  
 دین دی خاطر بھر کھولے علی دے شیر جوانان  
 چادر مشک تے خیمے خنجر علم کمانان نیزے  
 ورتے ادس کتاب دے جہنم دے چرچے وچ جہانان  
 تسیاں چیکاں سن سید نوں کہے فرات دا پانی  
 اذن دیوتاں خیمیاں تائیں آداں کرن سلامان  
 عزم مثال حسین دے رکھو ہر کوفے ہر کربل  
 چار چھیرا مایا ہویا اے کوفی شیطانان



# غزل

دُھپیاں لوواں ہس کے جیہڑے سہہ جاندے  
 لگراونہاں پیراں تھلے گمہ جاندے  
 سنگت نال جو موڑے جوڑے ٹرے نال  
 دوڑ زما تے دی وِج پچھے زہ جاندے  
 دیکھ کے ہڑدے پڑیاں توں نال بٹھ پائے  
 دیاواں دے لاگے دے پنڈ بہمہ جاندے  
 سورے اوہ کر لیتے دیلے توں چھپلا  
 اکھاں دے وِج اکھاں پا جو کھمہ جاندے  
 سچے موٹی اوڑک بھدے اونہاں توں  
 جیہڑے چھاللاں مار سمندر تہہ جاندے  
 بازاں دی یاری نال پھب دی گبر جھاں نال  
 بھورناں چھڈ کے پھل اکاں تے بہہ جاندے  
 دیلے دی جے قدر نال کیتی ریکھاں نال  
 تہکر دوپہرے رُس کے سورج لہہ جاندے  
 دکھاں داکیوں ستمر شوکت پایا ای  
 دل چھڈیاں تے چھیتی قبرے لہہ جاندے





## عزل

میٹ کے اکھیاں ویکھیا اکھاں رون پٹیاں  
 رُوہاں میٹھوں ساریاں سدھراں کھون پٹیاں  
 تینوں مینوں جد اوہ ویکھن دین کرن  
 جا پے موت جو ناں دی تے رون پٹیاں  
 کتیاں کجَل سگ گھلیا ای اوہناں لئی  
 ندیوں پار جو سوہے لیڑے دھون پٹیاں  
 قد نہ کیتی گئے دی مُٹیاں نے  
 سچے موتی رستی ویدج پردن پٹیاں  
 ادھورا تے لیڑے بھکھیاں تیاں تے  
 رجیاں پجیاں ویکھو اوہ وی کھون پٹیاں  
 ہار سنگھار خبنا تے سجتاں ناں ویکھے  
 مرنجی مہندی سرمہ لاه کے رون پٹیاں

پیکے بھل کے شوکت سوہرے ناں وسیاں  
 اوہ وی اج سہاگناں کول کھلون پٹیاں



## عزل

پیار و سادن والا بدل رسیا رسیا جانداے  
 وا ورولا جھکد بن کے ایویں اڈدا جانداے  
 آپو دھاپی دا اے پیرہ رشتے مٹی زل گئے نیں  
 سمجھ نہ آوے ویلا کیہڑے رنگ بدلدا جانداے  
 پیار رلیا ر سچیرا جہڑا ہر پر ہسیا دا چانن سی  
 گھپ انھیرے انھیاں لوڑاں تے ویدج لگدا جانداے  
 بھلداے جانداے ساک اسانوں کجھ ایس دی بھلے آل  
 لہو اسادا ویکھ کے سانوں پاسا وٹدا جانداے  
 سانجھی چاہت ساکاں والی اصلوں پھننا ہو گئی اے  
 پیار گدے جو پیاریاں داسی کاوڑ پٹدا جانداے  
 محرم زازاں تے دل ویکھو یا دی پیاریاں اڈ گئی اے  
 یاراں کولوں یاراں داہن چیتا بھلدا جانداے  
 جیناں سانگے جھگی دیویدج رہنا جنت لگدا سی  
 سنگ اوہناں تے مجلس رہتا اوکھا ہوندا جانداے  
 بھنایاں راہ ون سوتے دھرتی ویدج خلاواں ویدج  
 شوکت اپنے گھر دارتہ سچنوں بھلدا جانداے



## غزل

کو کاں مار کے دنے مینوں وسدا سی اک دیس میرا  
 وچھڑی کوئج نول جی کردا اے توں وی اپنا حال سُنا

وسدی ہسدی شگت سوہنی بسکاں چاہواں دی بھیتی  
 بکھرے یار چروکے بھاویں بھلدی نہیں اونہاندی جا

گلیاں کوچے سوڑے ونگے جنت وانگوں لگدے سن  
 جھگیاں سدھراں بھریاں جا پن چائن پیار ہنیرے دا

ہتن روون سانجھا ساڑگا مٹھی کا ڈر کتڈے پھل  
 دیلے سکھنے ہاسے دتے بھل گئے آل ول روون دا

اُس دستی وینج چاہت بھریا خوف دا بھرتے سایہ سی  
 پر بہک بکھل مٹھیاں بیکھاں دیوے سارے روگ گوا

کہیہ ہو یا جے نس بھیج کر کے پھکیاں خوشیاں پالیاں  
 مٹھے پانی دی بسک رہندی بھاویں کول دگے دریا

دل میرا نت چنتا کردا اونہاں جائیں تے جاواں  
 ڈردا ہاں ہن کون بکھچانے واسو چھڈیاں جھوکاں دا



# مذہل

بیراں وانگوں طعنے دل تے لگدے نیس  
نین اساڈے روون توں تاں رجدے نیس  
دکھاں دے جو سا سبھی سبھن اوہ ہوندے  
بھیڑ پڑے تاں بوہتے رہے چھڈے نیس  
آس کیہ رکھنی جھلیا اونہاں بدلاں تے  
وسن توں پہلاں ای جھڑے گجدے نیس  
آٹا جے گھر ہو دے ہر کوئی ساک بھرا  
گھر غریب دے سکھنے بھانڈے بھبھدے نیس  
سُتھرے ماس شکار سی کیتے شیراں نیس  
گد رٹے لومبٹر کھا کھا رجدے نیس  
دل وچ رچیا پیار نہ ہو دے بندیاں تاں  
کیہیاں جع زکواتاں نیس کیہ سجدے نیس  
شرم حیا دی چادر جھنناں لاہ چھڈنی  
بہرے اونہاں چہریاں تے نہ پھبھدے نیس

مندا چنگا ہر توں لک کے کہیتی جا  
لوکی شوکت تیرے عیب نہ کجھدے نیس



کیہڑا ساڈے اتھرو پونجھے کون دلاسا دیوے  
 تنگی ساتھی اکھیاں پھیرن چھوڑن ادھ وچکارے

سو تیج کے مایں جیال توں شوکت چاہت دے وریا میں  
 تارو ڈبڈے دیکھے میں متارو رہن کنارے







## غزل

اپنا مثل ہمیشہ آپنے امی لاندے رہے  
ہُن سبھے آں ایویں عمر گوانڈے رہے

اوہندے پیار دی رین تے اک دن وجنی سی  
کاہنوں چھیلی دے ویتج سپ لکائے رہے


خواباں دے ویتج اوہنوں ویکھاں کس ویلے  
رات دتے سی اوہندے دکھ جگانڈے رہے

ٹبیاں مار کے ڈوٹنگے پیار دے دریا ویتج  
ہتھ خالی ہر واری باہر آندے رہے

بندہ سی یا پڈتھی فجرے اُس پیچھیا  
ایویں ساری رات سی ہیر سنانڈے رہے

دکھیا راں دے دکھ نوں اسان وندانا کیہہ  
اپنیاں رسیاں خوشیاں سدا متانڈے رہے

کدے ناں پھیدے شکوے اوتہاں بتھاں تے  
شکوکت جیہڑے وصفیاں دے گن گائے رہے





## غزل

جیون دی چنتا ساں رکھدا مکھڑا اوہدا دیکھن لئی  
بھاریں چار پتھرے وسدی ہسدی دنیا دیکھن لئی

میرے نال نال بولے بھاریں فیسے ایسے وستی دین  
جھگی دے دین میں دی رکھیا اک بھر دکھا دیکھن لئی

بھل بھلا دے اک دن میرے سنے گھر دین آوسیا  
ٹر چلیا اوہ ادھی راتیں جدوں بلایا دیکھن لئی

بھاگ مرے دے گوچے وتے چانن نیں کد آونالے  
ایسے لئی تے ساہجہ کے رکھیا ساں ہنیرا دیکھن لئی

رندے کھوہ توں کے نے پچھیا کیوں توں سکدا جانا ایں  
تسا پاندھی ڈبیا ایسے پانی ستھرا دیکھن لئی

تیرے اندر حُسن بتیرا کیوں لوکاں دل تکنا ایں  
باہر دں سوہنا اندروں کو جھاجھنوں لبھیا دیکھن لئی

پھسیاں چھوڑ کے شوکت اڈ دیاں پچھے نسن چنگا نہیں  
گلی تیری ڈھمہ جافے گی محل اچیرا دیکھن لئی۔!



بندے اٹھتے کیلتے مگر فریباں نہیں  
نسیکیوں دُور تے ہریاں و بیج نردل نہیں

اگتے رب دی بستدگی کرنی چاہی دی  
اک مسیت نماز دے وکھرے بول نہیں

عزت دی مُرجے نہیں پیار دے سازاں نال  
دُوروں شتوکت سٹو سہانے ڈھول نہیں



## غزل

لوک و چارے پھر دے ڈانواں ڈول نہیں  
ڈاڈھے رکھدے اکھاں و بیج کچکول نہیں

پیشل سونے دی وڈنڈ مکدنی جاندی اے  
اندروں کھوٹے کتے میٹھے بول نہیں

ہکناں دے گھر پچھی ہکناں دے ویڑھے  
بھکھ دھالاں پا کے دتے رول نہیں

سجناں دا لہو کیہڑے رنگ و بیج پھٹ گیا  
دل دے گھرتوں دُور تے وسدے کول نہیں

بندے اٹھتے کیجئے مگر فریباں نیں  
نیکوں دُور تے بریاں وِج نردول نیں

اگتے رب دی بندگی کرنی چاہی دی  
اک مسیت نماز دے دکھرے بول نیں

عزت دی مُر جے نہیں پیار دے سازاں نال  
دُوروں شوکت سُنو سہانے ڈھول نیں



## غزل

لوک وچارے پھر دے ڈالواں ڈول نیں  
ڈاڈھے رکھدے اکھاں وِج کچول نیں

پتیل سونے دی وِٹ مگدنی جاندی اے  
اندروں کھوٹے کتنے مٹھے بول نیں

ہکناں دے گھر پچھی ہکناں دے ویرے  
بھکھ دھاللاں پا کے دتے رول نیں

بجناں دا لہو کپڑے رنگ وِج پھٹ گیا  
دل دے گھرتوں دُور تے سدے کول نیں



وَنڈ ویلے دی کرے ناں ہالی سکیا وٹر دھرتی دا  
چوڑیاں بھن کے آکھے جٹی اج روون نون جی کردا

کیہڑا اوہنڈے پنڈے اُنوں لاہوے میل پُرانی نون  
لیڑے لاہ عزیز دے میلے بنت دھوون نون جی کردا

کن لاکے سُن شوکت گنگیاں چکیاں کتھوں اونڈیاں نیں  
اوہ گندھاں میں ڈھاواں چھیتی ہل جوون نون جی کردا



جنت یار دے ملنے توں کوئی ودھ نہیں  
 وِج کٹھالی پیار دی ہے کوئی ڈھل جاوے

مر کے پہنچیا یار دے درءِ ناں موت آئی  
 جدوں سنیہا بلیا آکھو ول جاوے

ڈونگھے سوتے آ کے رُیا پو پھٹیاں  
 شوکت ماڑے پائے سی اوہ کل جاوے



بہکی عمرے کہے ناں لگدے وڈے روگ  
وڈے بکیاں نوں جے تنگ رلا لیندے

تتی ریت دے جھکد کہے وی گھلدے تاں  
ستی سستی نوں جے ہوت جگا لیندے

مُن توں پہلاں معافی شوکت مسنگنی سی  
اللہ بچھے ، چنگا سی ، اکھوالیندے





## غزل

شالا کسے نوں اپنا یار بنا لیتدے  
وڈھ مکھ اپنے کدے نہ کدے سنا لیتدے

بیٹھے کول رقیب نوں دیکھ کے سڑدے کیوں  
اوہندے گھر دا بوہا ہے کھر کا لیتدے

اوہ چروکنا رُسیا، س نوں بھل گیا  
ایویں کملے کاں بنیرے آ لیتدے

پنڈ دے لوکی پانی نوں اج بسکدے تاں  
گبھرو ٹیٹیاں بٹنڈاں جے بدلا لیتدے

رنکی عمرے کدے ناں لگدے وڈے روگ  
وڈے نکیاں نوں جے تنگ رلا لیتدے

تتی ریت دے جھکڑ کدے وی گھلدے تاں  
ستی سستی نوں جے ہوت جگا لیتدے

مرن توں پہلاں معافی شوکت منگنی سی  
اللہ بختے ، چنگا سی ، اکھوالیتدے



دکھ تیرا کیہہ ڈنڈنا، اینہاں لاشاں نیں  
شہراں اُتے قبضے نیں گستاہاں دے

انج جا پے اوہ بیٹری تے سنگھ پارگی  
ہلے آون پتین تے استناہاں دے

شوکت اج سنبھپ نوں توللاں تکر و بیح  
جے لبھ جان خزا نے مہری خاناں دے



## عزبل

ہمتے دل تے لگدے وانگ وداناں دے  
بیراں نالوں تکھے سول زباناں دے

جھاتی چٹنگی جے نہیں لگدی راہی دی  
درگھلے نہیں رکھنے سی دالاناں دے

جی آیاں توں، آکھن توں جی ڈردا اے  
دیری اوڈے بھیس دنا مہاناں دے

کیہڑی وانج تے نس کے اوہدے گھر جاواں  
ایتھے دیلے وکھو وکھ اذاناں دے

ہے اوہندی تاہنگ، اڈاواں کاہنگ، ایہہ سکھتی مانگ، ہجر دی سانگ  
 ڈکھاندا تاہنگ، رستم دی ڈانگ، پکڑ کے ماردا  
 میں دساں کھول، جے آویں کول، ایہہ ڈکھڑے پھول، بھلائے بول  
 دتوئی رول، میں ڈاواں ڈول، ستایا یار دا  
 اوہ کیڑا دیتہ، میں ڈگا دھرتہ، نہ بھلی ہینتہ، چھوڑے چا تھینتہ  
 تے کیڑے نیتہ، ناں لٹھی تریتہ، میں بھگتا پیاردا  
 کدے سی پیار، تے اکھیاں چار، ویلے دی مار، پئے نروار  
 تے ادھ وچکار، اٹھایا بھار۔ میں تیرے باردا  
 قوں کچھ تاں دس، چا کیتی بس، دے توں کھس، ناں میرے دس  
 ہجر دے گھس نے کھوی چس، تے رنگ پیاردا

## غزل

نگی جیہی گل توں یار رسا بیٹھے  
 بھل کے ڈاڈھے نال پلپا پا بیٹھے  
 ننگھی چھاں نہیں بھدی ہن پکھتو نا کیہ  
 رکھاں نال اسیں دی سانجھ و نجا بیٹھے  
 کاہنوں اوس توں ڈکیا اودھر جاون توں!  
 کنڈے اپنے راہ دیوہج وچھا بیٹھے  
 بوہا کھلا رکھ کے یارو کیہ کرنا!  
 ساڈے دل کس اوتا تاہنگھاں لا بیٹھے  
 کچھ ناں کچھ لبھ جاتا اپنی داری نال!  
 لگتا وہج قطارے اسیں بھلا بیٹھے  
 جم جم پھنگا متدا ورتن ساڈے نال!  
 ساڈے لئی اوہ مہنے بہرتے چا بیٹھے

شوکت عیاں دی گنتی نہیں کر سکدے  
 اوہندے چنگے عملاں ہیٹھ نکا بیٹھے





# غزل

سوچاں دی نگری وِجِ مُردا حباتاں واں  
 چیزِ گواچی کوئی بھدا حباتاں واں

دو تن روز گزارے خوشی اُدھاری وِجِ  
 دکھ پُرانے بسیلی کینے لاناں واں

ڈولہ کے موتی لوکاں اگے اکھیاں چووں  
 قدر گھٹائی آپے ہن پکھتاناں واں

سہنے بین گے نخرے تینوں کتڈیاں دے  
 پھل بھن لئی دل توں ایسہ سمھاناں واں

# غزل

مرہم کتھوں لیجئے زخمی سوچیاں دی  
 لوں لوں دے وِج پیرے گجھیاں چوکاں دی

چپنگے بھاگاں والے وسدے سکھاں تال  
 ساڈے ہتھ لکیراے تھکھیاں نوکاں دی

جے میں اُونہوں پلکاں وِج نکاندا تاں  
 رہتدی گل ادھوری میریاں لوچاں دی

پچھلی راتیں چہیناں یار منائے تاں  
 سستی وانگوں لیہن جھوک بلوچاں دی

# غزل

دُکھ سُناواں مَتّے جھِڑا لگدا اے  
 نِکا وڈا ہر کوئی ڈورا لگدا اے

خوارسی کیتا جھینے ساری دستی وِج  
 نبرے کھٹری گلوں چنگا لگدا اے

پتا نہ چلے لوکی رُستے کیوں پھر دے  
 مینوں ایتھے ہر کوئی اپنا لگدا اے

اُگدی پی اے گتدی بوٹی باغ اندر  
 ننگھی تان کے مالی ستا لگدا اے

غیراں دے پٹنڈ اوہنوں میری لوڑ پی  
 بندہ سنگت پا جھوں اوپرا لگدا اے



## غزل

ہستن روون بسہ بکھیرے اِکو جیہے  
 رنگ برنگے راگ نیں دوہڑے اِکو جیہے

و کھو و کھ لکیراں ہر اک ہستہ دیاں  
 دھکے کھان غریب و چارے اِکو جیہے

اِکو جیہی کسانیاں اُجڑیاں جھوکاں دی  
 پیار دے پاجھوں سکھنے ویڑھے اِکو جیہے

ہستجو وگدے یا ڈگدا دریا ہودے  
 دیکھ بنھاکے دوویں ڈونگے اِکو جیہے

وٹا مار کے بیرجے لاہیا بیریاں توں  
 بھاویں ہودے پھٹکا ہستھا لگدا اے

بھاوے جیہڑا اوہندا بسہ کھ بھا جاوے  
 اُن بھوندے داگن وی بھیرا لگدا اے

حرص ہوا دامیلا ایتھوں نس چلیے  
 ہر کوئی اِک دوہے نوں ٹھکدا لگدا اے

دل دا کھوٹ تریڑ و کھاوے مکھڑے تے  
 ایویں شوکت شیشہ ٹٹیا لگدا اے



# عزل

سُن سُن گنگیاں چچیاں دے کُراوے نوں  
 باجھوں پاہ دے بھاہ لگ جانڈی آوے نوں

جے تُوں رکھیں آس کہ سبجَن نہیں مرنا  
 منجی دے پھڑ بہناں ایں کیوں پاوے نوں

اپنے غم دی اگ پٹی ساڑے ہر ویلے  
 تُوں تہاں ڈک لے اپنے ڈکھ دے لاوے نوں

کیہڑی ہیرتے کتھے ویاہ لے جاویں گا  
 رانجھا بن کے ٹُریا ایں مُکلاوے نوں

## غزل

خیر چاہتا واں شردی مینوں لوڑ نہیں  
دکھاں بھرے نگر دی مینوں لوڑ نہیں

ویٹے نوں میں اپنے رنگ و مع رنگیاے  
کے دی شام سحر دی مینوں لوڑ نہیں

بہر دا گھٹا تاپ اے میری قسمت و مع  
کوڑے چارہ گر دی مینوں لوڑ نہیں

جیتدا دل کے دا درد پکچانے ناں  
ایہو جیہے دلبر دی مینوں لوڑ نہیں

جس دے کیتیاں ہتھاں و مع ہتھکڑیاں پین  
ایہو جیہے ہنر دی مینوں لوڑ نہیں

آنکھاں بھریا ایہہ ہر بھکیا جد بکھرے  
غیرت کیتا پتھر وانگ رنگا ہواں نوں

اوہدے پیار دا موسم اکھ راج رچیا  
گل و مع پٹیاں ویکھاں اوہدیاں باہواں نوں

موت نے آخر اک دن گتدی پالینی  
ایویں بھلیا رگشا رہتا ایس ساہواں نوں

شوکت اوہدے نال پلپا کیوں پایا !  
ککھاں سانگے رو لیا سوہنیاں چاہواں نوں





## غزل

نکھان نال میں سانجھ و شب و ن والا واں  
ڈکھاں سانگے رہ کے کجھ سکھیاں واں

کھیہ ہویا جے دولت شہرت نہیں میتھے  
خود داری دا چولا پا متوالا واں

چھنگے عمل دا پتا اے سارا اللہ نوں  
اؤگنہاراں دے وچ اے نرالا واں

کاہنوں سجنو پاسا وٹ کے لنگھدے او  
میں وی ایسے شہر دا اک حوالہ واں

اپنی مرضی جاگیئے بھادیں سوں جاسیئے  
غیر دے رعب اثر دی مینوں لوڑ نہیں

دل توں میں و لچایا سجن آدے گا  
پستی کے خیر دی مینوں لوڑ نہیں

چھتر جھگی ڈھارا کوئی لبھنا واں  
لتے چوڑے گھر دی مینوں لوڑ نہیں

پیارے اپنی منزل لبھدا شوکت یار  
غیراں نال سفر دی مینوں لوڑ نہیں



## عزل

بھکھا پیار دایاں کوئی رجبیا رہن دیو  
چینگیاں نہیں پر چولاں کجیا رہن دیو

پینڈ نوں ریکھیاں خوشیاں نال وسایا سی  
اودیں سجنو اسجیا دھجیا رہن دیو

گنے ہولے ہولے لہ گئے دھرتی دے  
متھے بھرم دا ڈیکا سجیا رہن دیو

بندے دی فطرت وی کم وکھا جاندی  
بیتھوں وی بھل ہوئی کجیا رہن دیو

تھکے ہئے بنگی نیندر سوندے لوک  
سوچاں دے دج ڈانگ پھڑی رکھولا واں

ججج پرائی احمق نچدے دیکھے نیں  
اپنی ججج دا میں آپے سر بالا واں

مکے پتر ترے نکرے لگ جاندے  
بجناں نوں ہن بھدا جاون والا واں

شوکت گن نہ پینجن کدے شریکاں نوں  
بجناں لئی تے کالی رات اجالا واں



# عزل

بُھکھا پیار دایاں کوئی رجبیا رہن دیو  
چنگیاں نہیں پر چولاں کجیا رہن دیو

پینڈ نوں ریکھیاں خوشیاں نال وسایا سی  
اودیں سجنو! سجیا دججیا رہن دیو

گنے ہولے ہولے لہ گئے دھرتی دے  
متھے بھرم دا ڈٹکا سجیا رہن دیو

بندے دی فطرت دی کم وکھا جاندی  
ییتھوں دی بھل ہوئی کجیا رہن دیو

# غزل

ویکھ ہنسیرا دُوردا کہے سویرا دُوردا  
 دردی اپنے خون سے ساک نہ سکا دُوردا  
 بجن پہنکے کول سے دشمن مندا دُوردا  
 نیڑے دی توں سوچ ہا اوکھا پینڈا دُوردا  
 کتاں وہج سہاوتدا ڈھول ڈھمکا دُوردا  
 بیٹھیں چھڈ نہ حوصلہ پینڈا کرنا دُوردا  
 گھلیاں ظلم ہنیریاں بدل گجیا دُوردا  
 شوقاں نال ہنڈا یے لیٹرا گنتا دُوردا  
 ویرلا توڑ رہاوسی اوکھا سانگا دُوردا  
 کپڑے ویلے پہنچسی گل سنیہا دُوردا  
 بہ دن اکھاں ٹھاری سجن وسدا دُوردا  
 رُب توکلی بٹھلہ پوو پرلاکتھا دُوردا



## عزل

سوچاں وَن سَوَنیاں نال پلپا پایا  
دکھ پرانے اپنے پیٹے پوندا آیا

عزلاں دے دِیحِ دِل دے چیرے پڑھدے آئے  
ساڈے دِل نوں سجی میچ ویلے چیر وکھایا

نِشتر جدوں طیب نے رکھیا سینے لُتے  
نیروگے نہیں چیتے پر توں یاد سیں آیا

لاڈے ایس سریر نے جس دم مُرت سمھالی  
نوں نوں دے مڈھ دیکھیا سولاں تَنب وکھایا

## غزل

اودھدی سنگت چھڑیاں بھرم گوا بیٹھا  
مخمل دی سبھ رونق شان و شجا بیٹھا

چاننی پھسکی ویکھی مینوں اِنج لگی  
میرے وانگوں چن وی یار رُسا بیٹھا

جم جم سبجّ عنم دیوے میں کیہ کہناں  
دُکھ سواد پئے دیندے سُکھ بھلا بیٹھا !

کنڈیاں کولوں پاسا وٹ کے لت گھیا ساں  
ایویں بوٹے کلپیاں پھل رُسا بیٹھا

## عزبل

میرے نال جے ٹرنا چاہویں، جگ کولوں ناں ڈر کے چل  
عشق دے تھل وچ ٹرنا دکھا، جی کے چل یا مر کے چل

بھاویں چھلے پئے جاون گے، تیریاں کولیاں تلیاں تے  
'بکل وچ منزل اے تیری، سکھ نوں پاسے دھر کے چل

اپنے لئی میں دیر کھایا، اوہدے اوگن کجے میں...!  
پھیر وی اوہ مونہہ وٹکے لنگھے، دلڑی ہن توں ڈر کے چل

غیر نوں اپنیاں غزناں دسیاں، خود داری دا بھرم گوا  
کجھ تے لوڑاں پوریاں ہوئیاں، نہویاں اکھاں کر کے چل

# غزل

سجن سوچ پیاری وپچی جاندا اے  
 سارے قول و ساری وپچی جاندا اے  
 اُن مُٹے سی موتی میریاں اکھاں دے  
 گھٹے و بیج کھلاری وپچی جاندا اے  
 سچ کے سیاں دے و بیج بہنا اوکھا و پیر  
 مہندی پان سِپاری وپچی جاندا اے  
 من مہرے دے جتنگل بوٹے سُکدے جان  
 رُکھاں نوں لا آری وپچی جاندا اے  
 مہٹھا بن کے سانوں مُقت خرید لیا  
 مہنگے مُل و پاری وپچی جاندا اے  
 پیٹ دا بھانہ بڑ کیہڑی آس تے بچدا اے  
 دال آٹا ترکاری وپچی جاندا اے



## غزل

بے قدران دے اگے دکھڑے پھولیں ناں  
موتیاں ورگے ہنجر مٹی روئیں ناں...!

اپنے ورگا جھلا بے کوئی لہجہ جاوے...!  
سن لے کجھ سنا لے ودھ کے بولیں ناں

سچا پیار کرن دا جہیتاں دل دسیا  
کدے وی اوسہتاں اگے اچا بولیں ناں

دل دے ہتھوں جھڑیاں گنڈھاں پے جاوے  
دنداں نال کدے وی سجتا کھولیں ناں

راکھابن کے کچیاں پکیاں فصلاں دا  
ہاڑی سونی ساری ویچی جاندا اے

ڈنگر ہل پنجالی وٹر دھرتی دا

ہر شے وارو واری ویچی جاندا اے

ودھیا جاوے یا تھو بھکھرا گنڈیاری

گھل بوٹے پھلاری ویچی جاندا اے

وعدہ کیتا سی اُس توڑ پُچا وں دا

ادھ وچکار سواری ویچی جاندا اے

رنگی ریکھ امانت رکھی کردے کول

غیرال کول ادھاری ویچی جاندا اے

آنہی لانیھے اوس بلیا پایا اے

ساڈی پستی یاری ویچی جاندا اے

کیہم ہوتا اوہ مینوں شوکت دیندا وچ

انکھ میری خودداری ویچی جاندا اے



نکتہ: ہر شے وارو واری ویچی جاندا اے

## عزلی

بیہڑیاں ، پے روندے پھندے کے نسیاں نہیں  
خوشیاں نال اوہ ساہو رے کہے نہ وسیاں نہیں

ہسیں غزن مہگر دے نال سی و ترانی  
فصل اجاڑ کے دیکھو وچھیاں نسیاں نہیں

پکھل راتیں جیہناں کسمبن ہنس ٹورے  
شرہبت وصل دے پتے اوہناں تسیاں نہیں

پہ پھنئی نوں جیہناں یار کھماے نال  
نستیاں رہیاں نڈھیاں اوہ کھر کھیاں نہیں

وٹڈ نہ ہووے جتھے مارے پننگے دی

اوتھے کد برس تاں بھر کے دسیاں نیں

جیہڑیاں چوگاں چنگن اپنی حدوں پار

جالاں دے وچ گھوگھیاں اُد، ہو پھیاں نیں

وانگ کھڈونیاں عزتاں دے مل جتھے پین

سکھاں نال اودہ دستیاں مول نہ دسیاں نیں

عملاں باجھوں علم دا بھانڈا سکھنا اے

ہرنیاں جا کے ندیوں مڑیاں تسیاں نیں

دل دا لہو بلا کے شوکت شہر لکھے

کھریاں کھریاں گلاں اوتھے دسیاں نیں



## غزل

جہڑی دستی دا دکھ سا نبھا نہیں رہندا

سدھراں بھریا سکھ دا لاشبھا نہیں رہندا

کدے نہ مکدے جیہڑے کوڑی پرہیا توں

مظلوماں دے حق دا بھانجھا نہیں رہندا

پنچیاں سگاں کھڑے کھونجے جا لگیاں

خود غرضی وچ کجھ وی سا نبھا نہیں رہندا

ات خدا دا ویرتے اچا اڈیں ناں

ٹنٹی ڈور دے اُتے ما نبھا نہیں رہندا

جتھے ہیراں دکھو دکھو گدھے پون

اوتھے شوکت چاکر رانجھا نہیں رہندا



اچن چیتی آکے سائول چنگ نہ کیتا ساڈے نال  
نال میں لیڑے لے دھوتے نال میری پیر سوائے میں

جدوں دے رتے سخن میرے، کاگ بنیرے بھتے میں  
وکیھو بندیاں وانگوں یا رو پکھو غرضاں مارے میں

شاماں ویلے ٹرکے بھاڑی فجری منزل جا لگدے  
ایہہ گل اک دن دسی شوکت پو پھٹی دے تلے میں





پتھی سنگت والا سردہ اکھیں جاوے بیچ وے اڑیا  
کلیاں وانگوں پاک فرشتے بال ایانے بیچ وے اڑیا

پھل کھلائے ویکھ کے جاندا دل و بیح بھانہ سڑ میچ وے اڑیا  
دیدے کدے ناں رجدے چہیناں منگ کھا ون دی بیچ وے اڑیا

ہنہواں چبھنا چھالے بن کے پررم دی واٹ دا بیچ وے اڑیا  
رتیر زبان دے کر چیاں کر دے ایہہ دل وانگوں کج وے اڑیا

شکوکت پو لے محل نہیں اندروں یاہروں چو نے بیچ وے اڑیا !  
مال توں ودھ بے پیار کوئی فریوے اوس ماسی توں بیچ وے اڑیا



## غزل

سٹریا سوچاں نال سریر  
 سدھراں ریکھاں مکدیاں جاون  
 مینوں اوس پلوتے دتے  
 اپنے آپ نوں ساڑن لئی میں  
 اوسندے نال اے دھیرج مینوں  
 بھجیاں راتاں اندر ارج وی  
 کاوڑ نال جے دیکھے میں ول  
 اٹکھ پیار حیا دا بھوچھن  
 کرے سی جھنگ دے وٹنیک  
 ہسکلا پے دے وچ انگرڈاواں  
 اکھیاں وچوں مُکھے نیر  
 گبھرتن دی ہوئی اخیر  
 ساری عمر رہویں دلگیر  
 دتی ساڑ اودھی تصویر  
 باجھوں اودھے ساک نہ سیر  
 تلتیاں ساہواں دی تاثیر  
 پینیاں بن حبا ون ریر  
 لاہن کیتا ریر و ریر  
 کھیڑے رنگ پور لے گئے ہیر  
 شوکت جھلے کوں سریر



سجدہ رب نوں کرنا واجب سی پر لوک  
پو جا اپنے آپ دی کر دے ویکھے نیں

سجناں باجھوں مہٹی رُت دی بے چستی  
چیت بہار اہج بوٹے مردے ویکھے نیں

پیار پریم دے شوہ دریا دیاں چھلاں وچ  
ڈبے ہوئے بیڑے ترے ویکھے نیں

کھروے ہتھاں دا کہیہ میٹھوں پکھنا ایں  
توں وی تاں شہکار مہرے ویکھے نیں

شوکت جیہڑے ونڈ دے نیں دکھ دکھیاں دا  
لوک اوہناں دا پانی بھر دے ویکھے نیں



ڈولی چیک چکاندی اک دن ٹورن گے  
بھیناں داگ پھڑائی لینی ویراں توں

ہتھ سہاگ دے دیکھے مہندی گجریوں باجھ  
دل کتبا اے کھوٹ دیاں وٹکیاں توں

پیارے ویس دے ویری اک دن روون گے  
ڈر کے رہتا چاہیہا تقدیراں توں

دل نوں لیندیاں موہ بھاویں نہیں بولدیاں  
کتاؤلا کے لنگھیا کر تصویراں توں

اوسندے پنڈتے شوکت اپڑ جانا میں  
راہ کھا ہڑا جے پچھ لیندارا گھیراں توں



## غزل

جی ڈردا اے رُس گئیاں تقدیراں توں  
کالیاں راتاں دے سُہنے تعبیراں توں

جو بن ساڈا لکھاں دا اُس رولیا چپا  
کدے نہ پچھیا حال اساں دیکیراں توں

منگی اے ہر ویلے اوہدے دم دی خیر  
تجن ہن کیہ چاہوے پر تقصیراں توں

اجکل بوہتے گھمرو رانجھے بن ڈردے  
اوکھے ویلے پاسا وٹدے ہیراں توں

بھرم نہ جینوں اپنے قلم دے لکھے دا  
کیہ پڑھنا ایں اوس دیاں تحریراں توں



دو پنهان بنده کوی است اینها ششده، رفته خ  
اسکری که به نستمه اینها کوی رفته خ

دو پنهان بنده کوی است اینها ششده، رفته خ  
اسکری که به نستمه اینها کوی رفته خ

دو پنهان بنده کوی است اینها ششده، رفته خ  
اسکری که به نستمه اینها کوی رفته خ

دو پنهان بنده کوی است اینها ششده، رفته خ  
اسکری که به نستمه اینها کوی رفته خ

دو پنهان بنده کوی است اینها ششده، رفته خ  
اسکری که به نستمه اینها کوی رفته خ

دو پنهان بنده کوی است اینها ششده، رفته خ  
اسکری که به نستمه اینها کوی رفته خ

دو پنهان بنده کوی است اینها ششده، رفته خ  
اسکری که به نستمه اینها کوی رفته خ

## عزل

میںوں کملیاں کر کے وی اوہ نہیں رُکدا  
لکھ لکاواں میتھوں رونا نہیں لُکدا

میںوں کدی وی بارنہ اوہدے نلماں تے  
اوہ وی بار وفا میری توں نہیں چکدا

اکھاں دے ویج ہنچو گھٹی گل دسن  
ہجرندی دا پانی ویکھو نہیں سُکدا

اوہدے غم دی پیت جھڑودھ بہاراں توں  
دکھ ہنیریاں سہہ لال گا میں نہیں مُکدا

کاکا ڈر نال اوہ میرے کولوں اٹھیا سی  
باہوں پکڑ پٹھا نڈا تے گل بن جانڈی  
غیراں نال سنجوگ بتا یوٹی کی کھٹیپ  
ساتوں وی ازمانڈا تے گل بن جانڈی

کیہڑا وید مُکا دے پیراں پیار دیاں  
اوہنوں نبض وکھانڈا تے گل بن جانڈی

سُکھ تے شوکت کتھ ولانی جانڈے تیں  
روکے حال ستانڈا تے گل بن جانڈی

# عزبل

مُریا یار نہیں اُونا دل تُوں چیتا رکھ لے  
سوگلاں دی اِکو گل تُوں چیتا رکھ لے

دُوجے رُکھ دی چھاں تھلے کوئی رُکھ نہ لا دیں  
اوس کدے نہیں دینا پھل تُوں چیتا رکھ لے

تیرا میرا جھیڑا اوزک مک جانا اے  
لوکاں کدوں مُکوئی گل تُوں چیتا رکھ لے

ورھیاں پچھوئوں شہر اندر جے اوہ آوٹیا ...  
لوکاں وِہج اپنی تھر تھل تُوں چیتا رکھ لے

## غزل

کتابہ دیکھ کر اگل کر اس میں کیہڑے ڈھب دی  
سجن رسیا کروں منادوں کاٹی شے نہیںوں چمنگی لگدی

مندی تیل منساگ اُدھلے وہ تے سی پے توں نہ آویں  
کل آ دیکھدوں کھلیا چھوہرا ہر شے کیٹی پٹی سی پھبدی

چاندنی بھاویں سوہنی بیٹھی رُوپ انھیرے داوی دکھرا  
تیرے میرے اُدگن مارے رات ہنیری نت پٹی کبدی

یار جہناندے ڈونگے سوتے آکے رُگنے باتھاں ویلے  
کھل رور و ڈُلھدا جاوے لالی بُتھاں تے نہیں سبدی

سوہنے سنندہ دیکھیاں اکھاں ٹھریاں جاون  
ہر تھاں تے رب ایسو گل تول چیتا رکھلے

سویں نہ سستی وانگوں نہیں تاں پیش پونگے  
رونا ہجرتے مارو مقل تول چیتا رکھلے

روز قیامت تیک جیاتی نہیںوں مرنا ....  
میں اناج مرنا توں دی کل توں چیتا رکھلے

شوکت تیرے اک دی نیکی کہیہ کر لیناں  
چور اُچکٹیاں دی بل بل توں چیتا رکھلے



## غزل

کہ می اسادے نال پریتاں لا کے دیکھ  
وار دیاں گے سبھ کجھ توں ازنا کے دیکھ

بٹھالتے توں چپ دا جتدرا لایا اے  
میریاں سوچاں تے دی پہرہ لا کے دیکھ

نویاں شہراں دے وچ گھپ انھیراے  
چپھلے پینڈوں اک چنگار لیا کے دیکھ

رت دے گھرتوں سنھ لاون توں پہلاں توں  
مگاری دے پیڑاں کھرے و شجا کے دیکھ

چوچک کیتا جدوں ارادہ کھڑیاں نال میں ٹور دیاں گکا  
بہیر نوں بھل گئی چوری کٹنی ونبھلی رانجھے توں نہیں وچدی

پریم تگر وچ اُجڑے دیکھے کئی گھر نیچی نیچی گل توں  
بول نوں پہلاں توں لیا کر گل کیتی کر بھلیا پجھدی

مکدا جاوے حسن حیاتی ٹردیاں پھر دیاں لاشاں وانگوں  
قراں اُتے گنبد لشکن رونتی دیکھ نزالے دھدی

دانہ پانی مئے جیندا عزرائیل ہو ریں آ دھدے  
جینناں حالے نہیںوں مرنا موت کریندی راکھی بھدی

تموکت جیہڑا ساڈے رستے ریجھاں نال سی تکرار ہندا  
انج کیوں ساتوں دیکھے راہواں بدلی جاندا گل نہیں لھدی



# عزل

سُنہی بھینی کر کے کلیاں چھوڑ گئے  
اسیں وی ادہرے پیاروں پر کہ جھنجھوڑ گئے

شوقاں نال سی آئے اوہی محفل وِج  
آساں ریکھاں بھریاں او تھے چھوڑ گئے

وَنڈ نہ اوہنے کیتی پستل سونے دی  
موتیاں ورگے اتھرو ایویں بوڑ گئے

ویلے دی سُنج لُٹدی بنت حیاقی توں  
ہُن تے چاہوں والے چاہ سَنگور گئے

غم دے قیدی موت نے جدوں رہا کیتے  
بندی قلنے دے سمجھ جنڈے توڑ گئے

## غزل

دُکھاں بھرے کمارے نوں میں کھیہ جاناں  
پیار و ہار خسارے نوں میں کھیہ جاناں

پیار دے تعیندہ و بیج بھاویں جان کے آیاواں  
ایتھوں دے ورتارے نوں میں کھیہ جاناں

ان جھک ہو کے اکھاں تینوں تکیا اے  
دُبے ہوئے نظارے نوں میں کھیہ جاناں

ہور کے دے بُوہتے میں کیوں جاواں  
تیتھوں غیر سہارے نوں میں کھیہ جاناں

پریت دے دیوے بلدے رہندے ہنجواں نال  
چانن دے لشکارے نوں میں کھیہ جاناں

غیراں نے تے کدے وی چٹنگا نہیں کرنا  
کیہڑی گٹوں بیسی وی مُکھ موڑ گئے

ٹردا رہیا سی ویلا کل جیہتا لادے نال  
انج کیوں اوسنوں ادھ وچکارے پھوڑ گئے

رُوحاں دے ہوون سنجوگ آسماناں تے  
ایویں لوکی لیکھ ایٹھے جوڑ گئے

ہنجواں شوکتِ دل نوں دھیرج دتا اے  
سکھاں دے دریا و بیج دُکھڑے بوڑ گئے

# عزل

اوپرے کولوں کچھ اداواں تنگ لواں گکا  
پیار کرن لیٰ نویاں چاواں تنگ لواں گکا

میرے دل دی محفل توں جے کدے سجائی  
معاف کریں چا کچھ خطاواں تنگ لواں گکا

مرن دے ویلے سبنا بہک پل آجاویں توں  
موت کولوں میں کچھ عطاواں تنگ لواں گکا

جیموں پاروں دکھڑے وی کچھ سہنے پیئدے  
مرن لیٰ وی کدے دُعاواں تنگ لواں گکا



# غزل

اسیں ہے اوہدے پنڈ ویتچ پھیرا پیا جانڈے  
 دل کھنڈا سی اوہدی قدر ودھا جانڈے  
 اوہدے نال تے جان کے نہیں سی گل کہیتی  
 زنجی گل دا لوک گلور بنا جانڈے  
 جیہڑے نال اسادے پھبے تڑدے ہے  
 ہن کیوں سانوں ویکھیاں مونہہ نکا جانڈے  
 مٹھیاں نظراں نال کہے ہے ویکھ لیا  
 میرے درگے ایویں دھوکے کھا جانڈے  
 آس ملن دی خوشیاں دیشدی ہجر اندر  
 تڑ جاندا اوہ جل کے تے غم کھا جانڈے  
 پیارے تے سوچ دے وکھرے کھاہڑے نیں  
 عشق دی راہ جو تڑدے عقل کھڑا جانڈے

تیرے نال بہاراں دل دے گلشن اندر  
مُکھ لیا جے موڑ خزاواں منگ لواں گا

مُحفل نوں توں تکیہ ہوش بھلا دتے  
میں وی تیتھوں مست اداواں منگ لواں گا

اچن چیتی آیا کدی جیکر توں ساہویں  
تیرے کولوں تیریاں چھاواں منگ لواں گا

ریکھاں نال ہنڈا یے شوکت جو بن تائیں  
رمتاں بھریاں یار ہواواں منگ لواں گا



## غزل

اسیں جے اوہدے پنڈ ویتھ پھیرا پا جائندے  
دل کہندا سی اوہدی قدر ودھا جائندے

اوہدے نال تے جان کے نہیں سی گل کہیتی  
زنجی گل دا لوک گلوڑ بنا جائندے  
جیہڑے نال اسڈے پھدے ٹر دے نہیے  
ہن کیوں سائوں ویکھیاں موٹہ نکا جائندے

بھٹیاں نظراں نال کہے جے ویکھ لیا  
میرے ورگے ایویں دھوکھے کھا جائندے

آس ملن دی خوشیاں دیشدی بھر اندر  
ٹر جائدا اوہ مل کے تے غم کھا جائندے  
پیارتے سوچھ دے وکھرے وکھرے کھاہڑے نیں

عشق دی راہ جو ٹر دے عقل کھڑا جائندے

## غزل

دیلا وِج اُدیک گزارِی جانے ہاں  
خواباں دے وِج عمل اُساری جانے ہاں

اکھاں کھلیاں رکھیاں سی پو پھن تیک  
سوں کے سارے دکھ وِ ساری جلتے ہاں

بھاگاں والے ریح ہنڈان حیاتِی نوں  
چھنگی مندی جوئی گزارِی جانے ہاں

اوہنوں کول ہسا کے پھیر وی او سے نوں  
بے وس ہو کے ویکھ پکاری جانے ہاں

مورکھ نوں مت دینا کجہ نہیں کھٹن سی  
ڈھنگراں اُتے آٹا ڈولھ وِ سجا جانڈے  
دکھاں دے دریا دے ہڑ نوں ٹھٹن لئی  
سانجھے سکھ دیاں سوچاں دے بنھ پا جانڈے  
بھادیں بھیلیاں لکھن پٹیاں گلشن تے  
آلھنے لویاں شاخاں نال بنا جانڈے

اسماں ول تکن شوکت چنگا نہیں  
دھرتی تے ای تارے جن سجا جانڈے



جنت دوزخ دیکھن لئی پسندھ کیتا اے  
کرماں چھیتی چھیتی ماری جانے ہاں

ریکھاں نال سی راکھی کرنی کلیاں دی

موتی گھٹے بوجھ کھلاری جانے ہاں

پیار دی بازی چتتی شوکت ادھی اے

چتتن دا سی دھڑکا ہاری جانے ہاں

## عزل

کجھ درد پڑانے ہور وی نیں  
کجھ سسے سہانے ہور وی نیں

میں کلا نہیں کلا ہو یا  
میرے جیہے دوانے ہور وی نیں

کیہو ہو یا مینوں لٹیا توں  
میرے کول خزانے ہور وی نیں

تینوں غیراں وٹوں ڈکیا اے  
کجھ ڈرا سجانے ہور وی نیں

توں پتھی گل توں کیوں رسیا  
رُسے دے بہانے ہور وی نیں



مے خانے بھاویں اوجڑ گئے  
پیوں دے ٹکانے ہو وی نہیں

توں اپنے آپ نوں رکھہ سمھیں  
ایتھے لوک سیانے ہو وی نہیں

چا تیرا ہو وی کنیاں توں  
حق دار بنانے ہو وی نہیں

تیری کالی زلف دے قیدی لئی  
کجھ بندی خانے ہو وی نہیں

تینوں دیکھیاں اکھاں ناں رجن  
ہرے خواب سہلے ہو وی نہیں



## عزل

پیارے مینوں قید کرایا ہو یا اے

ہاسیاں دے وینج ہجر سما یا ہو یا اے

جدوں دے کھاے دھو کے اونہاں نظراں مے

یس وی دل توں بہوں سمجھایا ہو یا اے

کدی کدی تے مینوں ایشے لگدا سی

شہر ایچ کدھرنے سجن آیا ہو یا اے

ہر دیلے گلشن وینج جانا چنکا نہیں

دکھ بہاراں تال رلایا ہو یا اے

دوروں اڈدی دھوڑنے مینوں دسیلے

غم دی فوج نے ڈیرالایا ہو یا اے

آسے پائے گنگیاں چپیکاں سنیا کر

ویناں اندر راگ الایا ہو یا اے



خوشیاں وِج دی ہن جو وگدے دیکھے نیں

میتت وی اک رنگ سجایا ہو یا اے

دل نوں چا سی جی آیاں نوں آکھن دا

دکھ پر وِہنے وانگ سجایا ہو یا اے

بٹے ٹوئے پار توں کرے جگرے نال

اگے ویلے راہ بنایا ہو یا اے

کاہتوں متھے زگرے ایہو جھورا اے

کعبہ دل وِج کدوں ٹکایا ہو یا اے

باغ دے اُتے شوکتِ بجلی کڑکے پئی

کلیاں دا وی موندھ کھلایا ہو یا اے



## عزل

اوہ کیوں موندھ وٹ لیندا ہے میں ہنساں تے

پھر اوہنے رو پینا ہے گل رکھاں تے

عالے کلیاں کبیر دکھ سنے جیون دے

پھل نہ بدھ کے سُٹنا باغ دے وٹاں تے

ہن اوہ دیکھے ساڈے وٹے کاوڑ نال

کدے اوہ سالوں سد بٹھاندا اکھاں تے

جیہڑا پھل مبلیل دی نظروں ڈگیا سی

اوسے نوں پت جھڑنے رکھیا لگھاں تے